

Ugovor za nabavku i isporuku antidekubitalnih madraca za potrebe KJU „Dom za socijalno zdravstveno zbrinjavanje osoba sa invaliditetom i drugih osoba”

Zaključen dana 10.12.2018. godine u Sarajevu između:

1. **Kantonalna javna ustanova “Dom za socijalno zdravstveno zbrinjavanje osoba sa invaliditetom i drugih osoba”** sa sjedištem u Sarajevu, Nahorevska 195, koju zastupa direktorica Sanita Alagić dipl.ecc / u daljem tekstu: **Naručilac** /
i
2. **Bauerfeind” doo Sarajevo**, ul. Bulevar Meše Selimovića broj 19, Općina Novo Sarajevo, 71 000 Sarajevo kojeg zastupa direktor Rifat Ličina/u daljem tekstu: **Dobavljač** /

I. UVOD

Član 1.

Na osnovu provedenog postupka javne nabavke – konkurentski zahtjev za dostavljanje ponuda – nabavka antidekubitalnih madraca, Ugovorni organ je Odlukom broj:25-2161/18 od 05.12.2018.godine odabrao ponudu Dobavljača broj 563-11/18 od 03.12.2018. godine kao najbolje ocjenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

II. PREDMET UGOVORA

Član 2.

Predmet ovog ugovora je nabavka i isporuka antidekubitalnih madraca prema tehničkim karakteristikama i zahtjevima ugovornog organa u provedenom postupku javne nabavke iz člana 1. ovog Ugovora.

Ponuda dobavljača broj:563-11/18 od 03.12.2018.godine i dodatak u kojem su iskazane tehničke karakteristike predmeta nabavke iz stava 1. ovog člana su sastavni dio ovog ugovora.

III. CIJENA

Član 3.

- Ukupna vrijednost ovog ugovora (bez PDV-a) iznosi : 9.866,58 KM,
- PDV (17%) iznosi: 1.677,32 KM,
- UKUPNA VRIJEDNOST/CIJENA (sa PDV-om) iznosi: 11.543,90 KM,

U cijenu ulaze i troškovi isporuke na adresi sjedišta Naručioca.

Dobavljač se obavezuje na nepromjenjivost ponuđene cijene.

IV. NAČIN PLAĆANJA

Član 4.

Naručilac se obavezuje da će izvršiti isplatu ukupnog iznosa, iz člana 2. ovog Ugovora u roku od maksimalno 60 dana od dana izvršene isporuke, a na osnovu ispostavljene fakture.

Dobavljač je saglasan da Naručiocu neće zaračunavati zatezne kamate za zakašnjenje pri plaćanju preko „Trezora“, ako je Naručilac u ugovorenom roku predao nalog za plaćanje.

V. MJESTO DOSTAVLJANJA ROBA

Član 5.

Dobavljač se obavezuje da će robe iz člana 1. ovog Ugovora isporučiti u poslovnom objektu Naručioca ul. Nahorevska broj 195. Centar, Sarajevo u roku od 15 (petnaest) dana od dana potpisivanja ovog Ugovora.

VI. OBAVEZE DOBAVLJAČA

Član 6.

Dobavljač se obavezuje da će ugovorene robe isporučiti u skladu sa tenderskom dokumentacijom, prihvaćenom ponudom i ovim ugovorom.

Dobavljač se obavezuje čuvati sve podatke i materijale dobivene po osnovu ovog Ugovora i neće ih otkrivati i davati na upotrebu trećim licima.

VII. OBAVEZE NARUČIOCA

Član 7.

Naručilac se obavezuje da ukupnu vrijednost ugovorenih roba iz člana 2. ovog Ugovora, isplati na način i roku iz člana 3. ovog Ugovora.

VIII. GARANTNI ROK

Član 8.

Dobavljač garantuje da kvalitet isporučene robe odgovara traženim zahtjevima, a garancija iznosi minimalno 24 mjeseca na zračnu sekciju a 6 mjeseci na spužvasti umetak, računajući od dana isporuke.

Unutar garantnog roka dobavljač se obavezuje da će o svom trošku u roku od 7 (sedam) dana od dana prijema pisanog obavještenja sa reklamacijom otkloniti bilo kakve smetnje.

IX. PRELAZNE I ZAVRŠNE ODREDBE

Član 9.

Sporovi koji eventualno nastanu iz ovog Ugovora, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

Član 10.

Ugovor je sastavljen u 4 / četiri / istovjetna primjerka, od kojih se ugovornim stranam uručuje po 2 / dva / primjerka.

Ovaj ugovor stupa na snagu danom obostarnog potpisivanja.

NARUČILAC:

Kantonalna javna ustanova
„Dom za socijalno zdravstveno zbrinjavanje
osoba sa invaliditetom i drugih osoba”


Sanita Alagic, dipl.ecc, direktorica

Broj: 25-2210/18
Datum: 10.12.2018



DOBAVLJAČ:


BAUERFEIND
export/import
Sarajevo
Rifat Ličina - direktor

Broj: 568-12/18
Datum: 10.12.2018

